



Uunga  
Anna Wangenheim  
Inatsisartunut ilaasortaq  
Demokraatit

## Sulisunut inissiat aamma isumaqatigiissutit pillugit § 37 naapertorlugu apeqqummut (109-2022) akissut

Brevdato: 01-06-2022  
Sagsnr. 2022 - 11491  
Akt id. 20242683

Asasara Anna Wangenheim

Aallaqqaasiullugu apeqqutinnut aamma pineqartumut soqutiginninnut qujarusuppunga. Qanoq aningaasaat qitiusumik atugarissaarnermut suliaasaqarfiit ilaannut pitsaasunik sulisussarsiortarnermut atorneqartarnerat aamma pingaarnersiorneqartarnerat pillugit soqutiginnittoqarnera aamma pingaartippara.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Manna § 37 naapertorlugu apeqqutitit akineqassapput.

### 1. Atorfimmut atasumik ineqartitaasarneq pillugu aaqqissuusseqqinnissami imarisaa pillugu Naalakkersuisut paasissutissiisinnaappat?

#### Akissut:

Apeqqummi taaneqareersutut apeqqarissaarnermi tamatumunnga tunngatillugu Ineqarnermut Attaveqaasersuutinullu Naalakkersuisoq innersuusutigaara. Taamaamat apeqqummut akissummik Ineqarnermut Attaveqaasersuutinullu Naalakkersuisoqarfimmit tiguisoqarpoq, akissullu imaappoq:

*"Sulisup ineqarnera nalinginnaasumik suliffiup avataaniittutut isigineqarsinnaagaluartoq, sulisunut inissiaqartitsineq sulisunik pitsaasunik aamma piginnaasalinnik sulisussarsiormi aamma atorfeqartitsiinnamiarnermi tunngaviusutut isigineqarpoq. Kingusinnerusukkut 2019-imi sulisunut inissiat pillugit tamakkiisumik paasissutissanik misissuineri aamma suliaqarnermi, pisortat inissiat attartugaatissaani 11.575-iusuni 2.095-it sulisunut inissiatut atorneqartut paasineqarpoq. Ineqarnermut immikkoortumut tamakkiisumik pilersaarut suliarineqareersumi aamma ineqarnermik aaqqissuusseqqinnissami ersersinneqareersutut, sulisunut ineqarneq ima inissisimavoq:*

- *paasissutissanik tunngavik naammaginangitsaq. Kingusinnerusukkut april 2019-imi sulisunut inissiat kisinneqarput paasiuminaatsumillu nassuiarneqarnerat aamma kisinneqarnerat pissutigalugit tamanna nalominartoqarluni.*
- *taaguutip isumaa allanngorartaq. Sulisunut inissiat sulisumut inigitaagallartunut aamma piffissaq sivikitsumik killilimmillu inissianut assingutillugit taagorneqartarput.*
- *ineqarnermik aqutsineq naapertuutinngitsumik annertuallaartaq aamma pisariuallaartaq. Sulisunut inissiat inissiatillit unammillerajuttuni arlalinni aamma aqutsisoqarfinni immikkut malittarisassalinnik aamma suleriaasilinnik agguarneqarput.*

*Ineqarnermut Attaveqaasersuutinullu Naalakkersuisoqarfik sulisunut inissiat pillugit paasissutissat massakkut nutartilerpai.*

*Paasissutissanik tunngavik inissineqarpat pilersaarutaavoq, sulisunut inissiat atorneqartarneri pillugit Naalakkersuisunut isummernissamik tunngaviliortoqassasoq.”*

Akissut taperserpara.

## **2. Naalakkersuisut paasissutissiisnaappat, qanoq isumaqarnersoq Naalakkersuisut oqarpata, isumaqatigiissutit isiginiarneqartariaqartut, tassani naligiinnerusumik sulinissaq anguniarlugu?**

### **Akissut:**

25. marts 2022-mi Isumaqatigiissutinut Isumalioqatigiissitap isumaliutissiissutini Aningaasaqarnermut Naligiissitaanermullu Naalakkersuisoqarfimmut tunniuppa<sup>1</sup>. Isumalioqatigiissitap isumaliutissiissutaa isumaqatiginninniartarnermut aqqissuussamik pitsanngorsaaniissamut aamma nutarterinissamut arlalinnik siunnersuutitaqarpoq. Naalakkersuisut isumalioqatigiissitap siunnersuutai isummerfigivai, tamannalu tunngavigalugu isumalioqatigiissitap siunnersuutai suliareqqinneqarnissaannut aamma piviusunngortinnissaannut aningaasaliillutik.

Apeqqarissaarnermi avataanit sulisut pequtinik nuussineranut aningaasartuutit qaffassimani pillugit apeqquteqarputit. Tamatumani ilisimatitsissutigineqarsinnaavoq, pisortani aningaasarsiatigut atorfinitsitaanermilu atugassarititaasut pisortat isumaqatigiissutai tunngavigalugit aalajangersarneqartartut. Sulisunut inissiat neqeroorutigineqaraangata, isumaqatigiissutini sulisoq atorfinitsinneqannginnerani Kalaallit Nunaanni ineqarnersoq apeqqutaasannqilaq. Taamaammat sulisunut inissiaq atorfinitsitassarsiornermut ilanngunneqartarpoq, sulisumullu sulisitsisumit piukkunneqarnerusumut neqeroorutigineqartarluni. Taamaasilluni atorfinitsitassarsiortoqannginnerani suliffiit ataasiakkaat sulisunut inissiaq atorfik sorlermut ilanngunneqassanersoq aalajangertarpaat. Akissutinni ullumi Danmarkimit aamma Kalaallit Nunaannit sulisut atorfininnerani aamma soraarneranni periarfissanik immikkoortitsisoqanngitsoq taavara. Tassani malittarisassat qulaani allaqqasut pivakka. Tamatuma saniatigut ima oqaaseqarpunga:

*Apeqqutigisalli, pingaaruteqarluinnartoq aamma oqallisigisariaqagarput: ajunngitsorsiat suut aamma qanoq pisortatigut aqqissuussaqaqarpugut? Akissaqarnitsinnut naapertuuppa? sukumiisumik misissornissaanut tunngavissartaqarpa? Suliarlu naalakkersuisoqarfiit ataasiakkaani ingerlanneqartoq, qanoq ingerlatsinerput pitsaanerulersinnaasoq aamma akikinnerulersinnaasoq taamaasilluni naapertuunnerulissasoq ingerlareerpoq.”*

Taamaasillunga pisortani ingerlatsinermi pisuussutit qanoq naapertuunnerusumik atussanerivut aamma pisortat aqqissuussaanagerat naligiissitsinerunersoq oqallisigisassannqorlugu qaqqippara. Assersuutigalugu siornatigut naatsorsuinerni ullumi innuttaasut ilai pisortat inissiaataannik atuisut, sulisunut inissiaqarnerat imaluunniit

---

<sup>1</sup> 6. maj 2022-mi isumaliutissiissut Naalakkersuisunit tunniunneqarpoq, kingornalu 10. maj 2022-mi Inatsisartunut agguagassannqorluni tunniunneqarluni.

nalinginnaasumik attartuisuunerat apeqquataatinnagu namminneq inissartaasinnaasut ersersinneqarpoq. Sulisunut ajunngitsorsiat pineqartillugit, nunatsinni atorfiit akissarsiaqarfiulluartut ilaanni atorfimmu atattillugu biileqartitaasarneq atuuppoq, naak atorfinitsitat taakku nammineq kissaatigunikkku biilisinissamut akissaqarnerat naatsorsuutigineqaraluartoq. Taamaammat atorfiit qaffasissumik akissarsiffiusuni atorfinitsitsinermi soorlu biili aamma inissiaq pisariaqavinnerut imaluunniit taakku itsarnisaavallaarnersut isummerfigineqartariaqarput.

**3. Assartuussinermut akit qaffakkaluttuinnartut soorlu assersuutigalugu peqqinnissaqarfimmi sulisunik pissarsiniarnermut sunniuteqassava, tassami ukiumut sulilernermi- soraarnermilu angalanerinnarnut marlunnik kisitsisitalinnik millioninik ukiumut akiliisaratta?**

**Akissut:**

Akissut manna Peqqissutsimut Naalakkersuisoqarfik aamma Peqqissutsimut Aqutsisoqarfik suleqatigalugit, taakkulu saniatigut Tamanut tunngasunik aqutsinermut immikkoortortaq aamma Qitiusumik Sulisoqarnermut naalakkersuineq Naalakkersuisut Siulitaasuata Naalakkersuisoqarfiup ataaniittoq peqatigalugu suliarineqarpoq.

Neqeroortitsineq tunngavigalugu Aningaasaqarnermut Sulisoqarnermullu Aqutsisoqarfik Namminersorlutik Oqartussat sinnerlugit pisattanik assartuisarfimmik ukiorpaalunnt assigiimmik akilinnik isumaqatigiissuteqarpoq. Isumaqatigiissummi atorfinitsitsinermi aamma soraarnermi pequtinik nuussineq ilaavoq. Pequtinik nuussinermi aningaasartuutitut allannguinermik nalilersuineq nalorninartoqassaaq, tamatumanimi sulisussaaleqineq aamma sulisut atorfinitsitat suliffiup illoqarfiani, Kalaallit Nunaanni imaluunniit avataanni najugaqarnerut apeqquataassammat.

Pisortani sulisitsisutut pequtinik nassiussinermut aamma timmisartukkut angallassinermut aningaasartuutivut qaffakkiartoraluartut, peqqinnissamik isumaginnittoqarfiup atorfinitsitsiniarnermut maanna imarisaanik allannguisoqannginnissaa naatsorsuutigineqarpoq. Tamanna aamma Namminersorlutik Oqartussat ilaanni atuutissasoq naatsorsuutigineqarpoq.

Inussiarnersumik inuulluaqqusillunga



Naaja H. Nathanielsen